

ԳԼԱՉՈՐԻ ՀԱՄԱԼՍԱՐԱՆԻ ՏԵՂԱԳՐՈՒԹՅԱՆ ԻՐԱՍԻՆ

Ա. Ն. ԱՎԵՏԻՍՅԱՆ

XIII դարի վերջի և XIV դարի առաջին կեսի հայ մշակույթի խոշորագույն կենտրոններից էր Գլաձորի համալսարանը:

Գլաձորը (անվանվել է նաև Գալլաձոր, Գալլեձոր, Գալլիձոր կամ թե Աղբերց վանք¹), որը բառացի նշանակում է «Գալլի ձոր», գտնվել է հաղբակյան կամ Պոռչյան իշխանների պատկառած Վայոց ձորում (այժմ Հայկական ՍՍՀ Նոյեմբերյան շրջան):

Գլաձորի համալսարանի տեղադրությունը հետադասողները համար մնացել է անհայտ: Հայտնաբերված հետքերը ոչ մի կերպ չեն համապատասխանում այդ համալսարանի հռչակին: Արդարացի է Գարեգին Հովսեփյանը, երբ գրում է, թե այն ավերակները, որոնք համարվում են Գլաձորի հետքերը, շատ աննշան են և ոչ մի բնդհանուր բան չունեն նրա հետ: Հասարակ, չհղկված քարերով կառուցված մի եկեղեցու ավերակներ են դրանք և ոչ թե մնացորդներ մի սյուպիսի մեծ վանքի, ինչպիսին եղել է Գլաձորը: Մեծ վանքը սովորաբար բաղկացած է լինում եկեղեցիներից, դպրոցից, մատենադարանից, սեղանատնից, բազմաթիվ կացարաններից և մի շարք լրացուցիչ կառուցվածքներից: Մինչդեռ Գլաձորի շրջապատում չկան վանքի ամբողջականության մնացորդներ: Կասկածանքն ավելի է հաստատվում, երբ հարց է առաջանում, թե ինչու նույն ժամանակաշրջանում կամ նույնիսկ դրանից առաջ կառուցված մյուս եկեղեցիների ու վանքերի մնացորդները պահպանվել են մինչև մեր օրերը, ըստ որում ոչ վատ վիճակում, իսկ Գլաձորից չի մնացել ուրեք հետք:

Դեռևս իր ժամանակին Ղ. Ալիշանը նկատել է, որ Գլաձորը, ըստ երևույթին, ունեցել է այլ անվանում: Այդ կասկածանքը հիմնված է Մխիթար Սասնեցու մի վկայության վրա, որտեղ ասված է. «Ի վանսն որ ալժմ ասի Գլաձոր»², Մի ուրիշ գրչի մոտ, 1291 թ. ձեռագրում, կարդում ենք. «Ի մենաստանս որ կոչի Աղբերց վանս և մականուն Գլաձոր»: Այստեղից էլ բխում է Ղ. Ալիշանի ենթադրությունը, թե Գլաձորի վանքը սկզբնապես կոչվել է Աղբերց վանք³, Այս կապակցությամբ հետաքրքրական է նշել, որ Գլաձորին ժամանակակից Ստեփանոս Օրբելյանը ոչ մի տեղ չի հիշում այդ վանքի Գլաձոր կամ Աղբերց վանք անվանումները⁴:

Նշենով ուղղակի և անուղղակի տվյալներից, մենք հանգեցինք այն եզրակացության, որ միջնադարյան Հայաստանի և հենց իրեն՝ Գլաձորի համալսարանի պատմության այդքան կարևոր հարցում խորապես իրավացի է գիտնական-ազգագրագետ Օրվանդ Հալայանը: Նրա «Վայոց ձոր կամ Դարալագյազ» աշխատության մեջ ասվում է, որ Օրբաբենդ գյուղից (այժմ՝ Գլաձոր) դեպի հյուսիս-արևելք գտնվում է XIII—XIV դարերում հայտնի Գալլաձոր կամ Գլաձոր վանքը, որը հետագայում սկսեց անվանվել Դարա-վանք⁵: Այնուհետև Ն. Հալայանի այդ նույն աշխատության մեջ նշվում է, որ Դարա-վանքը միևնույն Թանատի վանքն է, որը կառուցվել է XIII դարում և որտեղ ամփոփված է եղել 735 թ. Մողե գյուղում հալատակված Ստեփանոս եպիսկոպոսի մարմինը⁶:

Թե ինչ սկզբնադրյունների վրա է հենվել Ն. Հալայանը՝ նույնացնելով Գլաձորը Դարա-վանքի հետ, այնուամենայնիվ, մնում է անհայտ ճիշտ է, Օրբելյանի մոտ հիշատակված է, որ Ստե-

1 Տե՛ս Գ ա ռ ե դ ի ն Հ ո Վ ս ե փ յ ա ն, հաղբակյանք կամ Պոռչյանք հայոց պատմության մեջ, մասն երկրորդ, Երուսաղեմ, 1944, էջ 189:

2 Ղ ա ռ ի ց Ա լ ի շ ա ն, Սիսական, Վենետիկ, 1893, էջ 130:

3 Նույն տեղում:

4 Տե՛ս «Պատմություն հայոցի Սիսական, արարեսու Ստեփաննոսի Օրբելյան արքեպիսկոպոսի Սինեաց», Թիֆլիս, 1910:

5 Ն. Հ ա լ ա յ ա ն, Շարուր-Դարալագյազի գավառ, Վայոց ձոր կամ Դարալագյազ, «Ազգագրական հանդես», 12-րդ գիրք, Թիֆլիս, էջ 271:

6 Նույն տեղում, էջ 267:

փանոս Սյունեցի եպիսկոպոսը գոհվել է մի կնոջ ձեռքով և թաղվել Թանատի վանքում⁷, սակայն դա բավական չէ Թանատի Գլաձորի հետ նույնացնելու համար, Բայց գոյություն ունի մի վկայություն, որի շնորհիվ հնարավոր է որոշել Գլաձորի տեղադրությունը։ Այն պահպանվել է 1283—1284 թթ. մի հավաքածուի հիշատակարանում, որտեղ գրիչ Մատթեոս Կիլիկեցին գրում է՝

...եկեալ յայս գաւառի,
Որում անուն վայ ձոր,
Հուպի շիրիմն Սիւնեցի,
Ի Աղբերց վանս մենաստանի,
Յերկրորդ Արլնս սլանծալի,
Առ ոտքս հաւր մեր ներսլսի,
Եւս բալունաց վարդապետի⁸.
Հասեալ ի ծայրս իմաստ բանի...⁹

Բերված վկայությունից պարզ է, որ խոսքը վերաբերում է Աղբերց վանքին, այսինքն Դլաձորին՝ «երկրորդ Աթենք պանծալի»¹⁰, որի եկեղեցում էլ գտնվում է նահատակված Ստեփանոս Սյունեցի եպիսկոպոսի գերեզմանը։ Այդ պատճառով էլ Գլաձորը հաճախ կոչվել է նաև «վանք Գլաձոր Ս. Ստեփանոսի»¹¹։ Հիշատակված է նաև Գլաձորի համալսարանի դասապետ (ռեկտոր), ռարունաց վարդապետ Ներսեսի անունը։ Այսպիսով, ստացվում է, որ Թանատ (Ղարա-վանք) — Աղբերց վանքը նույն Գլաձորն է, եվ իրոք, ոչ մի կասկած չի կարող, որ Թանատի վանքը հենց Գլաձորն է։ Համեմատելով Թանատի վանքի սահմանները որոշող տվյալները, կարելի է տեսնել, որ նույն այդ տվյալները վերաբերում են և Գլաձորին, Այսպես, Ղ. Ալիշանի մոտ ասվում է, որ Գլաձորը սահմանակից էր Եկեղյաց ձորին¹², Ըստ Օրբելյանի, ինչպես և Գարեգին Հովսեփյանի, Թանատ-Ղարա-վանքը նույնպես գտնվում է Եկեղյաց ձորին կից¹³։

Կա նաև մի ուրիշ, ոչ պակաս հետաքրքիր վկայություն։ Գարեգին Հովսեփյանը խոսելով Գլաձորի մասին, ցույց է տալիս, որ այն գտնվում է Սրկղունիքի Պոռ իշխանի դաստակերտից («դարբաս») ոչ հեռու¹⁴, իսկ ըստ Ե. Լալայանի այդ դաստակերտի մնացորդները գտնվում են Բաշքենդ գյուղի ծայրամասում (որը նույնացվում է Սրկղունիքի հետ)¹⁵, այսինքն, դարձյալ Թանատի վանքից ոչ հեռու¹⁶։

Թանատի վանքի ծաղկման ժամանակաշրջանը, նրա բուռն գործունեությունը, որի մասին մեզ պատմում են այդ վանքի վիմագիր արձանագրությունները, նույնպես համընկնում են Գլաձորի համալսարանի գոյության ժամանակաշրջանին¹⁷։

Այժմ, երբ պարզ է, որ Գլաձորը և Թանատը, լիստ էություն, միևնույն վանքի տարբեր անվանումներն են, մեզ զարմանալի չի թվում այն տարակուսանքը, որ արտահայտել է Գարեգին

7 Տե՛ս «Պատմություն նահանգին Սիսական», գլ. ԼԱ և ԿԲ։

8 «Ռարունաց վարդապետ» կամ հաճախ՝ «վարդապետաց վարդապետ» սովորաբար կոչվել են այն ժամանակվա ուսումնական հաստատության ղեկավարները։

9 Զ. Հակոբոս Տաշյան, Զուգահեռ հայերեն ձեռագրաց Մատենադարանին Մխիթարեանց ի Վիեննա, Վիեննա, 1895, էջ 1039։ Ղ. Ալիշան, Սիսական, էջ 130։ Գարեգին Հովսեփյան, նշվ. աշխ., էջ 205—206։

10 Այդպես էին անվանում ժամանակակիցները Գլաձորի համալսարանը։

11 Այդ եպիսկոպոսի անվամբ կոչվում էր Թանատի վանքը, ավելի ճիշտ վանքի եկեղեցին՝ «յարկ սրբոյն Ստեփանոսի», «Ս. Ստեփանոսի գերեզման» (տե՛ս Գարեգին Հովսեփյան, նշվ. աշխ., մասն առաջին, Վաղարշապատ, 1928, էջ 119)։

12 Ղ. Ալիշան, նշվ. աշխ., էջ 130։

13 «Պատմություն նահանգին Սիսական», գլ. Մ, էջ 259։ Գարեգին Հովսեփյան, նույն տեղում, էջ 115։

14 Նույն տեղում, մասն երկրորդ, էջ 196։

15 Նույն տեղում, մասն առաջին, էջ 115։

16 Ս. Լալայան, նշվ. աշխ., էջ 270։

17 Տե՛ս «Материалы по археологии Кавказа», выпуск XIII, под редакцией П. С. Уваровой и Х. Н. Кучук-Поннесова, Москва, 1916, էջ 134։ Գարեգին Հովսեփյան, նույն տեղում, էջ 175։

Հովսեփյանը «Խաղբակյանը կամ Պոռոշյանը հայոց պատմության մեջ» աշխատության երկրորդ մասում, Թանատի վանքին նվիրված հատուկ դիտում, գրելով.

«Հավանական չենք համարում, սակայն, որ ԺԳ դարի կենտրին մինչև ԺԴ-ի կեսերը սրձանագրություններով հարուստ մի վանք, ուր եղել են և առաջնորդ «վարդապետ»-ներ, այդքան ամուլ լինելու ձևագրական արվեստի կողմից»¹⁸, եվ իրոք, մեզ չեն հասել ձևագրեր, բացառությամբ երկու-երեքի, որոնց մեջ նշված լինի, թե նրանք գրվել են Թանատի վանքում: Եվ դա հասկանալի է, բանի որ այդ վանքի բաղձաթիվ ձևագրերը վավերացված են հենց համալսարանի՝ Գլաձորի անվամբ:

Այսպիսով, կարելի է ասել, որ այժմ մեզ հայտնի Թանատի վանքը XIII—XIV դարերում, համալսարանի գոյության ժամանակաշրջանում (նաև հետագայում) հայտնի է եղել Գլաձոր կամ Սղերեց վանք անուններով, Մենք հակված ենք այն կարծիքին, որ Գլաձորի հնագույն և հիմնական անվանումը եղել է ոչ թե Աղերեց վանք, ինչպես ենթադրել է Ղ. Ալիշանը, այլ Թանատի վանք: Թանատի վանքին կից, դեռ մինչև համալսարանի հիմնադրումը, եղել է կրոնավորների միաբանություն, ծաղկել է հոգևոր մշակութային կյանքը: Վանքը հանդիսացել է ոչ պակաս հայտնի հոգևոր կենտրոն և իր եղբայրության կողմից տվել է մի գիտնական, որին ժամանակակիցները անվանել են «անհաղթ փրկիստփա»¹⁹. Համալսարանի էլ իր նոր՝ Գլաձոր անվանումն ստացավ ներսևս Մշեցու վարդապետության օրոք: Այդ անվանումը, մեր կարծիքով, կապված է միայն Գլաձոր տեղանքի հետ, որից ոչ հեռու գտնվում է Թանատի վանքը: Այն, ինչպես երևում է, ծագում է Տարւնում²⁰ գտնվող Մուշի Ս. Առաքելոց վանքին կից միևնույն անունը կրող դպրոցից. որտեղ ներսևս Մշեցին ստացել է իր սկզբնական կրթությունը²¹: Այլ կերպ ասած, համալսարանի անվանումը բերվել է ներսևս վարդապետի հետ, նրա հայրենի Տարւնից:

Համալսարանի արագ աճը, շատ հնարավոր է, աստիճանաբար ամրապնդեց Գլաձորի առաջատար դիրքը Թանատի վանքում, որը և, ինչպես երևում է, արտահայտվեց նրանով, որ Գլաձոր անունը տարածվեց նաև ամբողջ Թանատի վանքի վրա:

Թանատի վանքը, որի անվան տակ այդքան երկար ժամանակ «խաբնված էր» Գլաձորի հնագույն համալսարանը, իր ժամանակին հանդիսացել է երկրի խոշորագույն մշակութային կենտրոններից մեկը²²:

Այդ մենաստանը իր Ղարա-վանք անվանումն ստացել է բավականին ուշ, XIX դարում, ադրբեջանական ազգաբնակչության կողմից. և բառացի թարգմանությամբ նշանակում է «Սև վանք»: Գարեգին Հովսեփյանը այդ անվանումը չի կապում եկեղեցու քարի մուգ գույնի հետ, որը ժամանակի ընթացքում բուրդովին սև է դարձել, ինչպես այդ անում են Ղ. Ալիշանը, Ե. Հալալյանը և ուրիշները²³: Գարեգին Հովսեփյանի կարծիքով Ղարա-վանքը Քարեվանք (այսինքն քարից կառուցված վանք) հին անվանման աղավաղումն է²⁴: Այս կարծիքը արդարացի ման որոշ հիմքեր ունի, բանի որ նման անվանման հանդիպում ենք Ստեփանոս Օրբելյանի պատմության մեջ²⁵, որի վրա էլ հենվում է Գարեգին արքեպիսկոպոսը:

18 Գ ա ռ ե գ ի ն Հ ո վ ս ե փ յ ա ն, նշվ. աշխ., մասն երկրորդ, էջ 175:

19 «Փրկիստփա» բառը հայերի մոտ, միջնադարում, իր հիմնական իմաստից բացի կարող էր նշանակել նաև երգիչ, երաժիշտ (տե՛ս Գ ա ռ ե գ ի ն Հ ո վ ս ե փ յ ա ն, Խաղբակյանը կամ Պոռոշյանը, մասն երկրորդ, էջ 159):

20 Այդ մասին հ. Ներսևս Սարգիսյանի «Տեղագրությունը և Փոքր և ի Մեծ Հայաստանի մեջ» (Վենետիկ. 1864, էջ 236) կարդում ենք. «Մենաստան Առաքելոց կոչի և Գլաձորով վանք, թերևս վասն խորանդունդ ձորոյն որ ի յաջմէ մենաստանին»:

21 Ղ. Ա լ ի շ ա ն, նշվ. աշխ., էջ 131:

22 Տեղին է նշել, որ մի շարք հետազոտողների, ովքեր Ղ. Ալիշանից, շփոթեցնում է նույնանուն մի վանք ((Թանատ), որը գտնվել է Օրբելյան իշխանների տերիտորիայի վրա, Տաթևից մի քիչ հյուսիս, որը և Ստեփանոս Օրբելյան պատմիչի կողմից եկեղեցիների ու վանքերի թվարկման մեջ հիշվում է առաջիններից մեկը Տաթևի վանքից հետո: Օրբելյանն իր դրքի մեջ Ղարա-ձորի Թանատի վանքը հիշատակում է Հերմոն վանքից հետո (տե՛ս նրա «Պատմություն նախնային Սիսական», գլ. IV, էջ 338, 340): Ղ. Ա լ ի շ ա ն, նշվ. աշխ., էջ 119: Թ. Խ. Հ ա կ ո Ր յ ա ն, Հայաստանի պատմական աշխարհագրություն, պրակ 2-րդ, Երևան, 1952, էջ 145 և ուրիշներ):

23 Ղ. Ա լ ի շ ա ն, նշվ. աշխ., էջ 119: Ե. Հ ա լ ա յ ա ն, նշվ. աշխ., էջ 267: «Материалы по археологии Кавказа», выпуск XIII, էջ 125 և ուրիշներ:

24 Գ ա ռ ե գ ի ն Հ ո վ ս ե փ յ ա ն, նշվ. աշխ., մասն առաջին, էջ 115:

25 «Պատմություն նախնային Սիսական», գլ. IV, էջ 259:

Քանաւոր վանքը հիմնադրվել է VII—VIII դարերում: Այդ ժամանակվա վանքից ոչինչ չի պահպանվել: Այժմ նրա տեղում միայն հետքեր ու մնացորդներ կան մի եկեղեցու, որն իրր կառուցվել է 1273 թ. Պոռ իշխանի և նրա որդիների կողմից, որպէս մենաստան, Ս. Ստեփանոսի և իրենց տոհմապետ Պոռ իշխանի հիշատակը հավերժացնելու համար, իսկ եկեղեցուն կցված մատուռը (հյուսիսային կողմից) թվագրված է 1279 թ.²⁶ Եղել է նաև մի ուրիշ, երրորդ կառուցվածք հարավային կողմից, որից մնացել են միայն աննշան հետքեր²⁷: Մեր կարծիքով, եկեղեցին կառուցված է եղել ավելի վաղ, 1250—1260 թթ.²⁸:

Զիմանալով Գլաձորի ճիշտ տեղագրությունը, հնարավոր չէ որոշել նաև համալսարանի նկատմամբ Պոռ իշխանների ունեցած հովանավորության բնույթը²⁹: Մի շարք ձեռագրերից հայտնի է, որ Պոռ իշխանները եղել են Գլաձորի համալսարանի հովանավորները, իսկ 1328 թ. մի ձեռագրի հիշատակարանում Պոռ իշխանները անվանված են «սէր և իշխեցող սուրբ մենարանիս և տաւ» դպրոցական ժողովուրդը³⁰:

Անկասկած, Քանաւոր վանքը և Գլաձորի համալսարանը տնտեսական մեծ օգնություն են ստացել ինչպես իրենց անմիջական հովանավորներից, այնպես և այլ անձնավորություններից: Զէ՛ որ համալսարանը առանց նյութական օգնության չէր կարող պահել այդքան մեծ թվով սաներ: Եվ իրոք, ինչպես երևում է Ս. Ստեփանոսի եկեղեցու և մատուռի պատերին եղած արձանագրություններից³¹, Քանաւոր-Գլաձոր վանքը ուներ ընդարձակ հողային տարածություններ: Եվ իրարբերողները հանդիսանում էին գլխավորապէս Պոռ իշխանի տոհմի անդամները, նշանավոր Պոռ իշխանի որդիներն ու թոռները: Բացի Պոռ իշխաններից եվրոպացիներում էին նաև Օրբելյանները և ուրիշները: Վանքի օգտին կատարված եվրոպացիությունը, ինչպես երևում է արձանագրություններից, բավական մեծ է եղել: Քանաւոր-Գլաձորի վանքին, ինչպես սովորաբար խոշոր վանքերին, հատկապէս մոնղոլական տիրապետության ժամանակ, եվրոպել են վարելահողեր, պտղատու և խաղողի այգիներ, կալվածներ, ամառանոցներ և այլն: Այդ եվրոպացիություններից բացի վանքը ապահովվում էր դրամով (ոսկով): Տաճարի սպասավորները դրա փոխարեն պարտավոր էին եվրոպացիների համար պատարագ մատուցել:

Հողերի շահագործումն ու դրամական եվրոպները, հավանաբար, ապահովել են համալսարանի բազմաթիվ սաների ու վանքի միաբանության ծախսերը:

Գլաձորի ճիշտ տեղագրությունը պարզելուց հետո, շնորհիվ Քանաւոր վանքի վիմագիր ճոխ ու առատ արձանագրությունների, մեր առաջ բացվում է այդ նշանավոր մշակութային-հոգևոր կենտրոնի տնտեսական կյանքի պատկերը: Գլաձորի համալսարանը, անկասկած, պետք է դրսևի հայ ժողովրդի անցյալի դպրոցական կյանքը հետադուտողների ուղադրությունը:

Գլաձորի համալսարանի գործունեությունը պաշտնավորված էր հայ ժողովրդի մշակույթի բնութագրությունը պաշտպանելու և հետագա զարգացումն ապահովելու պատմական անհրաժեշտությամբ:

26 Գ ա Ր Ե Գ Ի Ն Հ ո Վ ս Ե փ յ ա ն, նշվ. աշխ., մասն առաջին, էջ 118:

27 Նույն տեղում, էջ 124:

28 Ի միջի այլոց եկեղեցու թվագրման հարցը կարող է մանրադնին ստուգման, որովհետև եղած տեղեկությունները բացահայտ հակասական են: Եթե վանքը կառուցված լինել 1273 թ., ինչով բացատրել ապա նրա պատերին գտնվող ավելի վաղ շրջանի արձանագրությունները, որոնք գալիս են 1251 թ. դեռևս: Այդ արձանագրություններն էլ, մեր կարծիքով, իրենց բնույթով հաստատում են, որ նրանք ոչ մի կերպ չեն կարող գրված լինել հետագա շրջանում: Այդ պատճառով էլ մենք ճիշտ չենք համարում մի շարք հեղինակների պնդումներն այն մասին, թե Ս. Ստեփանոսի եկեղեցին կառուցված է եղել 1273 թ. (տե՛ս Ք ո ջ ր Ե ր ո յ ի, Ճանապարհորդական նկարագրությունը, Մեքաբատ» ամսագիր, 1889, փետրվար, էջ 102: «Материалы по археологии Кавказа», выпуск XIII, էջ 126: Գ ա Ր Ե Գ Ի Ն Հ ո Վ ս Ե փ յ ա ն, Նույն տեղում, էջ 117 և հտ.):

29 Գ ա Ր Ե Գ Ի Ն Հ ո Վ ս Ե փ յ ա ն, նշվ. աշխ., մասն երկրորդ, էջ 196:

30 Նույն տեղում, էջ 197: Տե՛ս և մասն առաջին, էջ 199—200 և մասն երրորդ, հավելված Բ, 24, ինչպես և Ղ. Ա ի ի շ ա ն, նշվ. աշխ., էջ 133:

31 Ղ. Ա ի ի շ ա ն, նշվ. աշխ., էջ 90—205 («Վայոց կամ Եղեգեաց ձոր»): և Լ ա լ ա յ ա ն, Վայոց ձոր (նշանավոր վանքեր), «Աղգադրական հանդես», 26-րդ գիրք: Գ ա Ր Ե Գ Ի Ն Հ ո Վ ս Ե փ յ ա ն, նշվ. աշխ., մասն երրորդ, «Материалы по археологии Кавказа», выпуск XIII, և ուրիշներ: